



Tajland Bangkok i Phuket 12 dana

28. januar 2020. - 8. februar 2020.

12 dana - 9 noći

“ Putovanje započinjemo u Bangkoku, gradu sa najdužim imenom na svijetu. Grad anđela, kako drugačije vole da ga nazivaju, neće Vas ostaviti ravnodušnim. Tajlandski hramovi i jedna od najpoznatijih pijaca na svijetu, samo su neka od mjesta gdje ćete stvoriti najljepše uspomene.

Poslije užurbane prijestonice, čekaju nas najljepše plaže na Tajlandu. Dane provodimo na Phuketu, gdje uživamo na nevjerovatnim Phi Phi ostrvima i drugim izletima koje Vam ostavljamo da sami otkrijete kada se uputite na putovanje sa nama...

”



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Plan i program

Dan 1: Sastanak grupe na aerodromu i let za Bangkok

Sastanak na aerodromu "Nikola Tesla" u Beogradu dva sata prije leta. Let iz Beograda za Bangkok sa presjedanjem.

Prevoz

Avio karta sa svim taksama na relaciji Beograd - Bangkok , u ekonomskoj klasi

Mesto

Beograd

Dan 2: Dolazak u Bangkok i upoznavanje grada

Dolazak na aerodrom u Bangkok. Transfer do smještaja. Putovanje je počelo, upoznajemo se sa urbanom džunglom. Bangkok - "Grad anđela"- pruža vam potpuno novu dimenziju postojanja, nešto sasvim drugačije od svega što ste do sada doživeli. Grad nalik New Yorku, upakovan u istočnjačku filozofiju, paprene mirise i drugačiju atmosferu. Veče provodimo u nekom od najpoznatijih nebodera sa pogledom na nepregledna svjetla Bangkoka. Zabava i osmesi do jutra.

Prevoz

Transfer od aerodroma do smještaja

Smeštaj

Trang Hotel (1 noć)

Mesto

Bangkok

Dan 3: Plutajuća pijaca i train market

Dan za fakultativni izlet – MaeKlong Train Market i Plutajuća pijaca. Obilazimo Train market taman na vrijeme da vidimo kako voz kreće iz stanice i prolazi tačno kroz sredinu pijace. Prodavci ubrzano podižu tende i sklanjaju sve što smeta vozu da prođe. Voz odlazi, a mi razgledamo i kupujemo raznovrsno voće, povrće, cvijeće... Iza ne tako poznatog naziva Damnoen Saduak stoji jedna od najpoznatijih atrakcija Tajlanda – plutajuća pijaca. Na oko 100 km jugoistočno od Bangkoka nalazi se malo trgovačko mjesto ispresijecano kanalima izgrađenih još u XVIII vijeku. U duhu starih tajlandskih zemljoradnika krećući se čamcem kroz zelenkastu vodu polako se približavaju trgovci sa raznolikim ponudama. Starice sa slamenim šeširima uz osmijeh nude najrazličitija jela, poslastice i sokove od egzotičnog voća na isti način kao i stotinama godina unazad. Povratak u Bangkok.

Smeštaj

Trang Hotel (1 noć)

Hrana

Kontinentalni doručak × 1

Fakultativni izleti

Plutajuća pijaca i MaeKlong Train Market

Dan 4: Obilazak hramova

Budimo se i krećemo na fakultativni izlet - Kraljevska Palata čija je izgradnja započeta 1782. godine, tokom vladavine kralja Rame I, osnivača Čakri dinastije, a potom postaje kraljevska rezidencija. U okviru Palate smešten je i Hram Smaragdno Bude, najveća tajlandska svetinja, figura Bude isklesana od zelenog žada. Potom posećujemo Hram Zore (Wat Arun), Hram Ležećeg Bude (Wat Pho) sa ogromnom statuom dužine 46 metara i visine 15 metara, koja predstavlja prelazak Bude u nirvanu. Povratak u smještaj.

Smeštaj

Trang Hotel (1 noć)

Hrana

Kontinentalni doručak × 1

Fakultativni izleti

Obilazak Bangkoka (Bangkok City tour)

Dan 5: Let za Phuket

Transfer do aerodroma i let za Phuket. Transfer do smještaja. Phuket je najveće i najpoznatije tajlandsko ostrvo. Kupanje, masaže, prelepe plaže, bijeli pijesak, tirkizno, toplo more, fenomenalni zalasci sunca i izleti do obližnjih ostrva, učinit će da se osjećate kao u raj. Vrijeme rezervisano isključivo za uživanje! Nesvakidašnji noćni život, scene kao iz najluđih filmova!

Prevoz

Transfer od smještaja do aerodroma u Bangkok

Avio karta sa svim taksama na relaciji Bangkok - Phuket, u ekonomskoj klasi

Transfer od aerodroma na Phuketu do smještaja

Smeštaj

Hotel Days Inn (1 noć)

Mesto

Phuket

Hrana

Kontinentalni doručak × 1

Dan 6: Izlet na Koh Phi Phi ostrva

Fakultativni izlet na ostrvo *Koh Phi Phi*, na kojem je sniman film "Plaža". Egzotični prizori koji potpuno ostavljaju bez daha. Povratak u Patong.

Smeštaj

Hotel Days Inn (1 noć)

Hrana

Kontinentalni doručak × 1

Fakultativni izleti

Phi Phi ostrva (Koh Phi Phi)

Dan 7: Obilazak hramova

Dan rezervisan za fakultativni izlet do Velikog Bude i budističkog hrama Čalong (Wat Chalong). Krećemo na lagani trekking kroz bujnu vegetaciju gdje se upoznajemo sa prelijepom prirodom ovog ostrva. Kod Velikog Bude slušamo priče o budizmu i kulturnom nasleđu Tajlanda. Uživamo u najljepšem pogledu sa ostrva! Zatim obilazimo budistički hram Čalong gdje ćemo imati prilike da vidimo budističke monahe koji su zaštitni znak svakog hrama. Ukoliko budemo imali vremena, mogućnost svraćanja na neku od plaža na kraći predah. Povratak u smeštaj.

Smeštaj

Hotel Days Inn (1 noć)

Hrana

Kontinentalni doručak × 1

Fakultativni izleti

Fakultativni obilazak hramova na Phuketu

Dan 8: Izlet na James Bond ostrva

Fakultativni izlet na James Bond ostrvo (James Bond Island). Ovo ostrvce je dio arhipelaga manjih krečnjačkih ostrva - stijena, koje se izdižu iz mora žad zelene boje i u kojima su skrivene pećine bogate stalaktitima i stalagmitima. Povratak u smeštaj.

Smeštaj

Hotel Days Inn (1 noć)

Hrana

Kontinentalni doručak × 1

Fakultativni izleti

James Bond ostrva

Dan 9: Slobodan dan

Slobodni dani koje možemo provesti na Rajskoj plaži (Paradise beach) ili nekoj drugoj koju nismo imali prilike da vidimo. Za one koji su radije za dodatne aktivnosti, mogućnost organizovanja nekih od fakultativnih izleta (Jahanje slonova, Tiger Kingdom, Monkey hill,...).

Smeštaj

Hotel Days Inn (1 noć)

Hrana

Kontinentalni doručak × 1

Dan 10: Slobodan dan za uživanje

Još jedan dan za opuštanje i kupanje u bistroj, tirkiznoj vodi na nekoj od prelijepih plaža Phuketeta. Mogućnost organizovanja fakultativnih izleta.

Smeštaj

Hotel Days Inn (1 noć)

Hrana

Kontinentalni doručak × 1

Dan 11: Let za Beograd

Napuštamo sobe u prijedpodnevnim satima. Kupujemo suvenire, ispijamo još neki Chang ili Singhu, osjećamo ljetinu tom yum supe, grickamo pad thai na ulici i opraštamo se od zemlje osmijeha. Večernji transfer do aerodroma. Let za Beograd sa presjedanjem.

Prevoz

Transfer od smeštaja do aerodroma

Avio karta sa svim taksama na relaciji Phuket - Beograd, u ekonomskoj klasi

Hrana

Kontinentalni doručak × 1

Dan 12: Dolazak u Beograd

Stižemo u Beograd. **Kraj putovanja!**

Mesto

Beograd

Cene i uslovi

Smještaj

Smještaj u hotelima ** i ***

Šta je uključeno

- Kompletna organizacija i vođenje puta
- Smještaj u dvokrevetnim sobama na bazi 3 noćenja sa doručkom (kontinentalni doručak) u hotelu 2*/3* (prema lokalnoj kategorizaciji) u Bangkoku
- Smještaj u dvokrevetnim sobama na bazi 6 noćenja sa doručkom (kontinentalni doručak) u hotelu 2*/3* (prema lokalnoj kategorizaciji) na Phuketu
- Avio karta sa svim taksama na relaciji Beograd - Bangkok, u ekonomskoj klasi
- Avio karta sa svim taksama na relaciji Phuket - Beograd, u ekonomskoj klasi
- Svi transferi prema planu i programu puta
- Lokalna avio karta sa svim taksama na relaciji Bangkok – Phuket, u ekonomskoj klasi
- Transfer od aerodroma do smještaja i od smještaja do aerodroma
- Svi transferi od aerodroma do smještaja, od smještaja do aerodroma i između gradova prema planu i programu puta

Regularna cena

2.380,00 BAM

First Minute cijena

Važi za prijave do **14.12.2019. godine**

2.180,00 BAM

Nije uključeno

- Fakultativne izlete i ulaznice za kulturno historijske spomenike
- Viza za Tajland sa jednim ulaskom (180,00 KM sa uslugom viziranja)

Uslovi plaćanja: Prilikom prijavljivanja plaća se 200 KM, a ostatak sume plaća se u agenciji, u konvertibilnim markama, a najkasnije 6 sedmica pred put.

Prijavljivanje: Preporučujemo ranije prijave jer je broj mjesta ograničen. Prilikom prijave potrebno je dostaviti skeniranu prvu stranu pasoša, u suprotnom agencija ne snosi odgovornost od štampanja avio karata sa pogrešnim imenom. Prijava je validna jedino uz uplatu avansa. Dokumenta za vize potrebno je dostaviti najkasnije mjesec dana pred put. Ukoliko putnici ne dostave dokumenta za vize u navedenom roku, dužni su da sami obezbijede vize za putovanje. Ukoliko putnici sami pribavljaju vize, dužni su da kopiju vize dostave do 15 dana pred put.

Fakultativni izleti

Plutajuća pijaca i Maeklong Train Market

Cijena: **45,00** EUR

Polazak iz hotela u ranim jutarnjim satima. Stižemo na pijacu na pruži taman na vrijeme da vidimo kako voz kreće iz stanice i prolazi tačno kroz sredinu pijace. Prodavači užurbano podižu tende i sklanjaju sve što smeta vozu da prođe. Turisti i kupci se trčećim korakom pomjeraju kako bi šine ostale oslobođene za nesmetan prolazak voza. Čuje se glasna sirena kao signal i svi uzbuđeno stojimo i čekamo. Voz nailazi, mašemo putnicima iz voza, kao i oni nama. Čim ode voz, vraćamo se detaljnom razgledanju pijace i kupovini raznovrsnog voća, povrća, cvijeća, mesa i ribe. Ova linija saobraća svakodnevno po nekoliko puta na relaciji Meaklong – Banlaem, a sama vožnja traje oko 90 minuta. Polazak na plutajuću pijacu „Damnoen Saduak“. Iza ne tako poznatog naziva „Damnoen Saduak“ stoji jedna od najpoznatijih atrakcija Tajlanda – plutajuća pijaca. Na oko 100 km jugoistočno od Bangkoka nalazi se malo trgovačko mjesto ispresjecano kanalima izgrađenih još u XVIII vijeku. U duhu starih tajlandskih zemljoradnika, krećući se čamcem kroz zelenkastu vodu, polako se približavaju trgovci sa raznolikim ponudama. Starice sa slamnatim šeširima uz osijmeh nude najrazličitija jela, poslastice i sokove od egzotičnog voća, na isti način kao i stotinama godina unazad. Nakon vožnje čamcem imaćemo malo slobodnog vremena da prošetamo i kopnеним dijelom pijace. Povratak u hotel u kasnim popodnevnim satima.

Cijena izleta obuhvata:

- stručnog licenciranog vodiča na engleskom jeziku
- organizovan prevoz po predviđenom itinereru
- vožnju čamcem
- ulaznice za sve lokalitete navedene u programu

Obilazak Bangkoka (Bangkok City tour)

Cijena: **70,00** EUR



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Na ovom izletu ćete imati priliku da vidite sve najbitnije i najljepše znamenitosti grada Bangkoka, a ovo je planirani itinerer: Polazak iz hotela u jutarnjim satima i transfer do Kraljevske palate (Grand Palace) i Hrama Smaragdnog Bude (Wat Phra Kaew). Kraljevska palata predstavlja najveću turističku atrakciju u Bangkoku. Kratka šetnja do sljedećeg lokaliteta - Hrama Ležećeg Bude (Wat Pho). Ovaj hram se nalazi odmah pored Kraljevske palate i jedan je od najstarijih i najvećih hramova u Bangkoku sa površinom od 8 hektara. Ovdje možete vidjeti preko 1000 prikaza Bude! Ipak, najveća atrakcija je statua „Ležećeg Bude“, po kojoj čitav kompleks i nosi naziv. Statua je duga 46 m, visoka 15 m i predstavlja Buda u stanju nirvane, na kraju svojih reinkarnacija. Wat Pho je također poznat po tradicionalnoj školi tajlandske masaže. Kratka šetnja do rijeke i prelazak brodićem na drugu stranu do Hrama Zore (Wat Arun). Ovaj hram je jedan od najpoznatijih simbola cijelog Tajlanda i često prati svako njegovo predstavljanje. Transfer do kuće Džim Tompsona. Ovaj muzejski kompleks se sastoji od 6 tradicionalnih kuća od tikovog drveta, čiji su dijelovi dovoženi iz različitih dijelova Tajlanda. Sve u ovom kompleksu je autentično i odiše duhom i tradicijom Tajlanda. Kućice su okružene baštom i bujnim neobičnim rastinjem, pa predstavljaju pravu oazu u centru Bangkoka. Povratak u hotel u popodnevnom satima.

Cijena izleta obuhvata:

- ulaznicu za Grand Palace i Wat Phra Kaew
- ulaznicu za Wat Pho
- ulaznicu za Wat Arun
- ulaznicu za Jim Tompson's house
- stručnog licenciranog vodiča na engleskom jeziku tokom cijelog izleta
- organizovan prevoz po predviđenom itinereru

*Za ovaj izlet je potrebno ponijeti garderobu prikladnu za ulazak i obilazak budističkog hrama.

Phi Phi ostrva (Koh Phi Phi)

Cijena: 55,00 EUR

Polazak u jutarnjim satima. Transfer do luke i ukrcavanje na brod. Stižemo na arhipelag ostrva Phi Phi, na kojima je sniman film „Plaża“. Obilazimo Maya zaliv (Maya bay), dragulj i simbol ovih ostrva i svraćamo da vidimo Pilej lagunu (Pileh lagoon), tj. mjesto odakle je Leonardo Dicaprio skočio u more u samom filmu. Dolazimo na Ostrvo bambusa (Bamboo island) i uživamo u kupanju i tirkiznom moru. Prolazimo pored Vikingške pećine (Viking cave) i slušamo priče o drevnim gusarima, stižemo na Monkey beach, gdje postoji mogućnost da hranimo majmune. Slobodno vrijeme za snorkling u prozirnoj vodi sa ribicama neobičnih boja. Pauza za ručak na Phi Phi Don-u (Phi Phi Don) i povratak u smještaj u popodnevnom satima.

Cijena izleta obuhvata:

- Povratni transfer do luke
- Vožnja brodom
- Ručak bez konzumacije pića
- Oprema za snorkling
- Ulaznica u nacionalni park Maya bay

Fakultativni obilazak hramova na Phuketu

Cijena: 55,00 EUR

Dan rezervisan za fakultativni izlet do *Velikog Bude* i budističkog hrama Čalong (Wat Chalong). Krećemo u obilazak, kod Velikog Bude slušamo priče o budizmu i kulturnom naslijeđu Tajlanda. Uživamo u najljepšem pogledu sa ostrva! Zatim obilazimo budistički hram Chalong, gdje ćemo imati prilike da vidimo budističke monahe, koji su zaštitni znak svakog hrama. Ukoliko budemo imali vremena, mogućnost svraćanja na neku od plaža na kraći predah.

James Bond ostrva

Cijena: 55,00 EUR

Ovo ostrvce je dio arhipelaga manjih krečnjačkih stijena, koje se izdižu iz mora žad zelene boje u kojima su skrivene pećine bogate stalaktitima i stalagmitima. Naša prva stanica za početak je Panak ostrvo, odakle se kanuima upuštamo u istraživanje zaliva i pećine. Nakon toga, nastavljamo ka James Bond ostrvu Kao Tapu i Kao Ping- ostrvo poznato po snimanju čuvenog 007 filma "Čovjek sa zlatnim pištoljem". Nakon toga, idemo na ručak, a poslije ručka, idemo u selo Panje (Panyee) plutajuće selo, gdje ćemo sa lokalnim vodičem istražiti kako to lokalci žive na plutajućem selu u sred mora! Nakon istraživanja sela, idemo na kupanje na prelijepu, bijelu plažu Naka. Vrijeme za kupanje, odmaranje, i pravljenje fotografija života! Cijena izleta uključuje: ručak, organizovan prevoz po predviđenom itinereru i stručnog licenciranog vodiča na engleskom jeziku.

Smeštaj

Trang Hotel ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Trang Hotel se nalazi u starom dijelu Bangkoka u neposrednoj blizini čuvene Khaosan ulice. Hotel posjeduje i bazen. Sve sobe su klimatizovane, posjeduju mini bar i T/WC. Usluga je na bazi noćenja sa doručkom.

Sajt

<https://www.tranghotelbangkok.com/en-us>



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Hotel Days Inn ***

Ovo je primer smeštaja koji možete da očekujete. Stvaran smeštaj može biti drugačiji, ali sličan u onome šta pruža.

Hotel Days Inn - Ovaj hotel lociran je u samom srcu Patonga, na samo 5 minuta hoda od plaže. Sobe su dvokrevetne, klimatizovane, posjeduju mini bar i T/WC. Usluga je na bazi noćenja sa doručkom.

Sajt

<http://www.daysinnpatongbeach.com/>

Prevoz

Avion

Putnički avion (linijski putnički avion ili komercijalni transportni avion) veliki je avion prvenstveno namijenjen komercijalnom prevozu putnika i tereta.

Lokalni transfer

Kombi prevoz je prevozno sredstvo za manje grupe putnika, najčešće do 15 ljudi.

Mesta

Beograd

Beograd je glavni grad Republike Srbije. U urbanom dijelu grada živi 1,23 miliona, a unutar administrativne teritorije grada gotovo 1,7 miliona stanovnika. Beograd je grad veoma burne historije i jedan od najstarijih urbanih cjelina u Europi. Njegova historija traje punih 7000 godina.

Bangkok

Bangkok je glavni i najveći grad Kraljevine Tajland i jedan od najvećih gradova Jugoistočne Azije. Nalazi se u Centralnoj regiji Tajlanda. Tajlandani Bangkok skraćeno zovu Krungtep, što u prevodu znači "Grad anđela", dok je svuda u svijetu poznato internacionalno ime Bangkok.

Phuket

Phuket je najveće ostrvo Tajlanda i nalazi se u Andamanskom moru. Prelijepe pješčane plaže sa bijelim pijeskom i kristalna tirkizna boja vode, pruža vam osjećaj kao da se nalazite u raj. Svjetski lanci hotela preovladavaju ostrvom i svake godine sve više turista iz cijelog svijeta željnih luksuza za malo novca dolaze na ovo ostrvo.

Korisne informacije

Tajland

OPŠTE INFORMACIJE

Tajland, službeno Kraljevina Tajland, je država u jugoistočnoj Aziji. Na jugozapadu izlazi na **Andamansko more** (dio Indijskog okeana), a na jugoistoku na **Tajlandski zaliv** (dio Južnog kineskog mora). Graniči se sa **Mjanmarom**, **Laosom**, **Kambodžom** i **Malezijom**. Tajland je zemlja **ostrva**, **egzotičnih plaža**, **kristalnog mora**, **noćnog provoda**, **budizma**, **magije** i **avanture**.

Iako mnogi smatraju Tajland otokom, on je zapravo **kopnena država** koja ima izlaz na more, ali joj pripada više od 1400 otoka, među kojima su najpoznatija **Phuket**, **Koh Samui**, **Koh Pangan**, i **Krabi**. Osmijeh i gostoprimstvo Tajlandana čekaju vas na svakom koraku. Kupanje, masaže, bijeli pijesak, tirkizno, toplo more i izleti do obližnjih ostrva učinit će da se osjećate kao u raj.

- **Površina:** 513.120 km²
- **Broj stanovnika:** 69 miliona
- **Glavni grad:** Bangkok
- **Zvanični jezik:** tajlandski; engleski se koristi kao drugi jezik
- **Vremenska zona:** UTC +7

VIZA

Za državljane **Bosne i Hercegovine** neophodna je **turistička viza** za posjetu Tajlandu. Može se dobiti unaprijed putem ambasade u Budimpešti ili online kao e-viza. Za više informacija kontaktirajte nas putem maila kontakt@jungletribe.ba

KLIMA

Tajland ima **tropsku monsunsku klimu**. **Kišna sezona** traje od **maja do oktobra**, dok je **suha sezona** u periodu od **novembra do aprila**. Temperature su ljetne tokom cijele godine, između 20°C i 38°C. **Suha sezona** (novembar - maj) je idealna za putovanje.

HRANA I PIĆE

Tajlandska kuhinja je **vrlo raznovrsna** i spada među najbolje na svijetu. Ovdje dominiraju **riža**, **riba**, **nudle**, **piletina**, **voće** i **povrće**. Posebno popularno jelo je **Pad Thai**, koje sadrži rižine nudle s povrćem i mesom. Ulična hrana je vrlo ukusna i povoljna.

Obavezno je piti **flaširanu vodu**, a svježe **voće** i cijedeni **voćni sokovi** su dostupni na svakom koraku.

ZDRAVSTVENA SITUACIJA

Vakcinacija nije obavezna, ali je preporučljivo da se putnici raspitaju kod **Instituta za tropske bolesti**. Preporučuje se da donesete **probiotike** i osnovne lijekove. Komarci su prisutni, pa je korisno imati sredstvo protiv komaraca poput **Autana**.

- **Bumrungrad International Hospital** u Bangkoku (tel. +662 667 1000)



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

- **Phuket International Hospital** (+6676249-400)

OSIGURANJE

Osiguranje nije obavezno uzeti u agenciji, ali se preporučuje. Ukoliko putno osiguranje uzimate kod drugih osiguravajućih kuća potrebno je da uzmete osiguranje koje pokriva do 30.000 EUR.

SIGURNOST I BEZBJEDNOST

Tajland je generalno **sigurna destinacija**, ali je preporučljivo biti oprezan. Čuvajte lične dokumente i novac, izbjegavajte kasne noćne šetnje sami **ne koristite drogu, jer je strogo zabranjena zakonom**.

ODJEĆA

Ponesite **laganu garderobu** zbog visokih temperatura. Kod posjeta hramovima potrebno je **pokrivanje nogu i ramena**. Usluge pranja odjeće su vrlo povoljne.

NOVAC

Zvanična valuta je **tajlandski baht (THB)**. Odnos eura prema batu je oko **1 EUR = 36 THB**, dok je za dolar **1 USD = 33 THB**. Korištenje bankomata je široko rasprostranjeno, ali ima proviziju od oko 6 EUR po transakciji. Preporučuje se korištenje **gotovine**, a kartice se mogu koristiti uz prethodnu najavu banci.

KOMUNIKACIJA

Naše mobilne mreže funkcionišu na Tajlandu, a lokalne **SIM kartice** su lako dostupne. **WiFi** je prisutan u svim smještajima i restoranima. Također ukoliko vaš mobilni telefon podržava E-SIM, vrlo lako možete kupiti E-SIM preko aplikacija poput **AIRALO** aplikacije.

PREPORUKA

Posjetite neki od mnogih **spa centara** ili pohađajte kurs **meditacije**. Tajlandska masaža je također vrlo popularna i možete je pronaći po povoljnim cijenama.

Važne napomene

Opšte napomene:

- Organizator putovanja je JUNGLE TRAVEL sa licencom OTP 266/2010.
- Prilikom prijave potrebno je dostaviti kopiju pasoša/podatke pasoša sa kojim će putnik putovati na samo putovanje. Obavezno je da putnik provjeri trajanje i ispravnost putnog dokumenta, kao i broj slobodnih stranica potrebnih za putovanje.
- Svi pasoši moraju imati rok važenja minimum 180 dana (6 mjeseci) od dana povratka u zemlju.
- Organizator putovanja zadržava pravo promjena pojedinih sadržaja u programu usljed vanrednih okolnosti i stvari koje agencija ne može predvidjeti, u vrijeme zaključenja ugovora.
- Organizator putovanja nije ovlašten i ne cijeni valjanost putnih i drugih isprava.
- Za sve informacije date usmenim putem agencija ne snosi odgovornost.
- Potpisnik Ugovora o putovanju ili predstavnik grupe putnika obavezan je da sve putnike upozna sa ugovorenim programom putovanja, uslovima plaćanja i viziranja i OPŠTIM USLOVIMA PUTOVANJA JUNGLE TRAVEL-a.
- Putnici su dužni da dva dana pred put provjere tačno vrijeme i mjesto polaska grupe.
- Putnik je dužan da se sam upozna sa pravilima ponašanja zemlje u koju putuje i da poštuje važeće zakonske carinske propise.
- U prevoznim sredstvima je najstrožije zabranjeno pušenje, konzumiranje alkohola i opojnih sredstava.
- Putnici su dužni da, u autobusu i drugim prevoznim sredstvima kojima se vrši transfer, ostanu na svojim mjestima, i ne smiju ih napuštati na mjestima koja nisu predviđena za pauze (granice, check point stanice, naplatne rampe itd). U slučaju da putnik napusti vozilo bez prethodnog dogovora sa predstavnikom agencije, sam snosi sve eventualne troškove i posljedice.
- Putnik koji svojim neadekvatnim ponašanjem uznemirava druge putnike ili ometa vozače i pratioca u poslu, bit će odmah isključen sa putovanja i sva odgovornost prelazi na njega bez prava na žalbu i povrat novca.
- Putnik je dužan da poštuje satnicu određenu od strane predstavnika agencije na putovanju, u suprotnom predstavnik agencije ima pravo da putnika isključi sa putovanja.
- U turističkim autobusima nije moguća upotreba toaleta; u skladu sa planom i programom puta pauze se prave na 3-4 sata (u zavisnosti od lokacije i opremljenosti benzinske stanice) koje putnici mogu iskoristiti za upotrebu toaleta.
- Agencija određuje raspored sjedenja, mjesto polaska, mjesta za pauzu i dužinu iste; uplatom prevoza, putnik prihvata sve gore navedeno, bez prava na prigovor i žalbu.
- Aranžman je rađen na bazi od minimum 10 putnika za daleka putovanja i 50 putnika za evropska putovanja.
- U slučaju nedovoljnog broja putnika za realizaciju aranžmana ili drugih objektivnih okolnosti, organizator putovanja obavještava putnike o otkazu aranžmana najkasnije 10 dana prije datuma polaska za daleka putovanja i 5 dana prije datuma polaska za evropska putovanja.
- Kod aranžmana koji uključuju prevoz avionom, nakon kupovine aviokarata nemoguće je refundiranje istih i u tom slučaju važe uslovi avio kompanija.
- Kod aranžmana koji uključuju prevoz low cost avio kompanija, u slučaju odlaganja leta, otkaza ili gubitka konekcije putnici su dužni da sami plate novonastale troškove i agencija ne može da utiče na okolnosti koje su van njenog dometa.
- Cijene low cost aranžmana podložne su promjenama i po uplati avansa se provjeravaju tarife i putniku se potvrđuje cijena aranžmana.
- Agencija ne snosi odgovornost usljed promjena aviokonekcija od strane aviokompanije.
- Satnice letova navedene u planu i programu ili dobijene od strane agencije podložne su promjeni i isključivo zavise od aviokompanije.
- Agencija zadržava pravo odabira prevoznog sredstva za transfere i vrši ih do smještaja ukoliko je to fizički moguće.
- Za sve ponuđene ili dostupne opcione doplate u vezi sa planom i programom puta ili smještajem, potrebno je izjasniti se prilikom prijave za putovanje.
- Ukoliko neki putnik sam odluči da promijeni dio plana i programa puta, agencija nema odgovornost da tom putniku obezbijedi transfer/raniji ili kasniji check in ili check out u smještaj/drugačija noćenja u smještajima, od onoga što je predviđeno planom i programom puta.
- Maloljetni putnici prilikom putovanja moraju imati ovjerenu saglasnost roditelja.
- Zbog poštovanja satnica predviđenih programom putovanja, kao i poštovanja vremena ostalih putnika iz grupe, ne postoji mogućnost zadržavanja na granici koja predstavlja izlazak iz Evropske Unije, radi ovjere računa i povrata poreza iz Evropske Unije (TAX FREE)
- Naša preporuka je da povedete računa na Vašem putovanju o ličnim dokumentima i novcu.
- Za ovaj aranžman primjenjuju se OPŠTI USLOVI PUTOVANJA uskladjeni sa UTABIH standardom.



Jungle Travel d.o.o.
Branilaca Sarajeva 20/I,
71000 Sarajevo

PIB: 4202134850007
MB:
Broj licence:
Tekući račun:

Telefon: 033 552-552
E-mail: kontakt@jungletribe.ba
Sajt: www.jungletribe.ba

Napomene u vezi sa smještajem:

- Organizator putovanja, JUNGLE TRAVEL, zadržava pravo rasporeda po sobama, u skladu sa strukturom soba smještajnog objekta; ukoliko postoji mogućnost, agencija se trudi da izade u susret željama putnika (molimo Vas za razumijevanje, budući da je ovo putovanje zamišljeno kao dobra zabava i avantura).
- U smještajne objekte se ulazi prvog dana boravka u skladu sa pravilima tog smještajnog objekta. Najčešće je check-in u popodnevnim satima (14h ili 15h), a check-out je posljednjeg dana boravka najčešće do 10h ili 11h.
- Opisi smještajnih objekata su informativnog karaktera.
- Neki od dopunskih sadržaja smještajnih objekata su dostupni uz doplatu. Postoji mogućnost odstupanja i promjena oko dostupnosti nekih sadržaja, jer isključivo zavise od smještajnih objekata (npr. sef, parking, mini-bar, TV, klima uređaj...)
- Putnik je dužan da poštuje pravila smještajnog objekta i sam snosi odgovornost usljed sankcionisanja od strane osoblja smještajnog objekta.
- U nekim smještajima Azije, Afrike i Latinske Amerike nema vruće vode.
- Smještajni kapaciteti vrše smještaj putnika i određuju raspored i tip soba prema svojoj raspoloživosti u datom trenutku. Agencija nije u mogućnosti da klijentima potvrdi da li će kreveti biti twin (razdvojeni) ili double (veliki francuski ležaj), kao ni spratnost u samom smještaju, osim ukoliko to nije posebno naznačeno Ugovorom. Klijent je uplatom aranžmana saglasan sa tom činjenicom i uslovima smještaja bez prava na žalbu.
- Putnici koji putuju sami u nekim programima imaju mogućnost da uz doplatu budu sami u jednokrevetnoj sobi. Ukoliko putnik želi da se spoji sa nekim drugim putnikom iz grupe i ne želi da plaća doplatu, prihvata da se spoji sa bilo kojom osobom iz grupe, bez obzira na godine i pol saputnika. U tim situacijama, agencija apsolutno ne odgovara za bilo kakve eventualne neprijatnosti ili neslaganja koje putnici mogu da imaju na putu.

Napomene u vezi sa fakultativnim izletima:

- Fakultativni izleti nisu obavezni dio putovanja.
- Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti.
- Fakultativni izleti se realizuju od strane lokalnih agencija i Jungle Travel nije u mogućnosti da utiče na stvari Van dometa agencije vezane za samu realizaciju izleta.
- Fakultativne izlete vode lokalni vodiči na samim lokalitetima na engleskom jeziku. Uplatom izleta putnik prihvata sve uslove lokalne agencije bez prava na žalbu.
- Agencija ne može uticati na dužinu trajanja putovanja do lokaliteta, vremena polaska, povratka ili obilazaka kao ni stručnost lokalnih vodiča.
- Prilikom uplate fakultativnog izleta, putnik prihvata uslove lokalne agencije, organizatora fakultativnog izleta, i dužan je da o uslovima obavijesti saputnike za koje uplaćuje izlet. Bilo kakve naknadne izmjene, promjene i odustajanja od izleta nakon uplate, nisu moguća, niti je moguće u bilo kojim okolnostima refundirati uplaćeni novac.
- Molimo sve putnike da se prije uplate fakultativnog izleta upoznaju sa predviđenim itinerarom i uslovima fakultativnog izleta.

Napomene u vezi sa vizama:

- Putnici su u obavezi da se upoznaju sa viznim režimom države u koju putuju.
- Pojedine ambasade zahtjevaju lično prisustvo putnika prilikom viziranja i putnici su dužni da pravila ambasade ispoštuju.
- Putnici su dužni da dokumenta za viziranje dostave najkasnije mjesec dana prije putovanja, a ukoliko ih ne dostave u navedenom roku, dužni su da sami obezbijede vize za putovanje.
- Putnici koji ne posjeduju nove biometrijske pasoše BiH dužni su da se sami upoznaju sa viznim režimom države u koju putuju i da sami obezbijede vize za putovanje.
- Agencija ne garantuje dobijanje vize i nije ovlaštena da utvrđuje validnost dokumenata.
- U slučaju nedobijanja vize agencija ne snosi odgovornost.